



“Primjer onoga koji pamti Kur’an je kao primjer svezanih deva”

Ibn Omer, radijallahu anhum, prenosi da je Allahov Poslanik, sallallahu alejhi ve sellem, rekao: “Primjer onoga koji se druži sa Kur’anom je kao primjer vlasnika svezanih deva: ako ih pazi, zadržat će ih, a ako ih pusti, otići će.”

[Vjerodostojan] [Muttefekun alejh]

Onaj koji pamti Kur’an upoređen je sa vlasnikom svezanih deva. Isto kao što će vlasnik sačuvati svoje deve ako ih bude čuvao i vodio računa o tome da stalno budu sputane i svezane, tako će se i Kur’an učvrstiti u memoriji onoga ko stalno uči i ponavlja naučeno. Ali, ako vlasnik ne bude vodio računa o tome da budu svezane, deve će otići, a isto to dogodit će se sa onim ko zanemaruje Kur’an i ne ponavlja: kur’anske riječi iščeznut će iz njegove memorije i više neće moći da ih se sjeti bez ulaganja napora i teškoće u ponovno učenje. Prema tome, čuvanje, odnosno ponavljanje osigurava ostanak Kur’ana u memoriji isto kao što i konopac kojim su deve vezane osigurava da će deve ostati u stadu. Deve su spomenute zato što one od svih domaćih životinja najbrže odlaze od svojih vlasnika, a kada se to desi, teško ih je naći i vratiti.

<https://sunnah.global/hadeeth/bs/show/5658>

